

武甯縣志卷之三十八

藝文詩

古體

讀鮑馬二公傳

舉人查振旗 星子

訪舊司訓齋歸然見楣扁司訓署即鮑公祠楣扁山高水長四字仰止鮑公祠

流觀邑乘卷豫甯匪睢陽鮑馬如巡遠巡遠遭時危兩公績

何顯憶昔白巾寇蔓滋未渠翦瓜源氛已惡龍腹更蹂踐鮑

公振臂呼精銳出疆賦糧制鉤戟瞻顧議不反霖雨洗妖

纏羣兇一朝殄書生親袍鼓何以諳驅遣山農立戰功此事

從來鮮雖資賞罰明良由撫字善馬公尤奮勇衝突力先勉

部卒一當千主將謀非淺令各圖自全未必以身免在和

在衆真武始能偃同此蕩寇功奏最惟鮑選竹帛光功名山

武甯縣志

卷三十八

藝文古體

四百四十六

水綿祀典歎古丈夫懷半以艱虞展寂寂東郊墓斷碣封苔

蘇馬公墓在東關外

棠城別墅

陳芬 韻谷

中谷有廬環以修竹客至忘言清風一曲

貧不及炊名不及錄遠彼風塵蕭蕭自足

庚辰仲冬重遊仙姑寺

張問達

偶然續舊遊視聽迥非昔古寺依然存舊句不得覓千岫吐

遠藍參差倚空壁晴烟覆其腓淡水蕩其際幽晦幾千年今

茲乃歷歷萬象森目中清曠從所適白雲數縷生乃在東岬

側隨岬遂窅冥井泉何汨汨搗藥人未還惆悵日已夕

冬至後六日登雞籠山絕頂

不窮雞山巔不測雞山尾羣巒隱山陰森秀乃如此盤鬱疑

流雲迅速驚風雨駿馬下危坡神龍攫天市空際蕩波瀾足
底簇蓮蕊高低遠近間纖悉在顧指曾聞魚腹中八陣孕奇
詭造物自聰明變滅何生死燬燭天之外鳥鳴山之裡幽元
啟秘鑰低徊曷能已遲遲返寺門傾壺酣遊履心醉後山峰
目送前江水

竈石紀遊

歲貢 李趣堂 子秋

人間遺此武陵源咫尺層山開洞天居人好事稱天竈呼吸
之間通雲烟我來結隣山之半泉頭石脚相縈旋卻從間道
尋山腋條張山骨回肘肩一石銳頂疑覆釜雙嵯餓腹如側
船忽然天光何處漏石蓋應笑山磨穿只今巘脊留危竇引
入青藤都倒懸更有層巘不可卽紆磴左繞鍊橋巔別闢門
戶旋生面中通一線如鉤連傳說其間較幽邃秉燭莫或窮
武甯縣志 卷三十八 藝文古體 二 四百七十九

魯溪洞紀遊

夏光芹 醒郎

昔聞魯溪洞洞內有神仙重門秘奇怪一一出天然龍潭無
底處相戒不可前而我攀磔隘舉火窮幽元須與出一老眉
龐髮秀娟相問無名姓時復叙其緣我本此溪主長飲此溪
泉謝絕人間世悠悠隔山川君志非巘壑豈爲白雲牽去去
勿復問看我石上眠倏忽不相見同人俟遠阡回視洞門裏
漠漠鎖寒烟

魯溪洞放歌

邑貢 余 璞 暮湘

不信桃源別有家仙源多被白雲遮我來魯溪三月候乍見
魯溪桃正花取次沿溪穿石磴豁開洞門舒天葩奇形怪狀
描摹拙鬼斧神工追琢嘉玲瓏皺瘦嵌離陸鐘鼓鉦柝撞鎗
箭上樓下閣納烟霧左旗右旆張霓霞螭舫無人繫橈楫窟
室有徑錐幽遐然火相照燄不烈微燈一點光無加蝙蝠翩
翻趁人撲石燕翱翔紛騰拏數頃荒塋列參錯一局殘枰劃
欹斜同人導我過溪北別有高臺上平沙聳身援坡厯險巖
斗口穿洞窺深涯魂驚魄悸不敢望伏身探頭禁無譁至此
已極窮其奧有誰更復浮仙植龍湫黑漆不見底仙源斷呀
徒吁嗟嗟哉造物肆奇禡此泉此源誰疏爬獨惜僻在山之
奧可憐寂處人無誇余亦浮生同潦倒魯溪魯溪何窺察

飲馬岡行

邑庠 張向辰 按三

武甯縣志

卷三十八

藝文古體

三

五百〇五

將軍岳氏真神武能使悍賊寢強虜功垂汗馬十餘年誓爲
宋室恢疆土紹興之中舉甲兵直趨洞庭震金鼓車騎所向
無不利馳驟曾過海昏地熊羆將士歡聲騰青驄白駱多騏
驎將軍英氣滿須眉行向高岡同執轡巖泉萬丈掛山頭一
飲聊佐芻菱備吁嗟各山巨壑何綿綿詩人韻士空流連奚
似將軍一駐足此地終古人爭傳君不見水聲常作怒濤沸
嗚咽猶含壯士氣烟雲渺渺樹依依千載忠魂長獻歆

伊洞龍鰈

潘崇文

伊山縵以曲伊水深且幽中有候時魚錫名曰龍鰈龍頭而
對角乘夏常出遊蟬聯歲三日湧赴大江流跋浪占雷雨衆
多知時休化生與卵育邈莫知其由如何他源內絕無其匹
儔邇來竟簡出溪影日悠悠

柳山佛巖

黃邦彥 菊里

矢兀啟雙門蘿徑攀險歷鬼斧鑿其幽怪穴恣搜剔老苔無
古今寒光翠欲滴不必叩禪扃萬緣已俱寂貞公何處踪清
風生石壁

斷穀山

在曲池書院北宮
死者多葬於此

張錫芻郊

層巘排空來斷峰如尺穀林還一徑長游塵蹴遠目苔石自
在春楊葉向人綠飢鴻路頭啄颺颺草根宿百尺蒼藤陰其
下有鬼哭傷哉行路人誰問其骨肉一碣寄山僧游魂依野
木枯酒東風莫如聞哀躑躅落日溪水流愁雲黯空谷

赤連舉數女有進溺女說者詩以謝之 李 赤 岸秋

天地自茫茫古今非仄仄苟無好生心何以有顏色草木一
氣中等閒愛培植况為萬物靈尤盡關天德生男雖云美生
武甯縣志 卷三十八 藝文古體 四 四百四十七

女豈中忒卓哉賈生行使我心中惻

邵人愛箕裘育弟不育姊鄭侯如不來邵人從茲止鳴鳳自
有鳳義皇自有母六陰而九陽造物固如此丈夫苟不才巾
幘猶知恥所以父子親漢意乃不死

十姑詩

石璜 梅邨

十姑者頭陀石有義次女也甫字其夫遂亡矢志不
嫁終節母家年六十有奇

昨夜月尚盈今宵月已缺月缺有時盈妾身已望絕半面未
曾謀倏忽傷永訣撫懷其如何對影空嗚咽憤不惜餘生此
心曠與雪願以義命安清操願苦節

烈女吟

東渡石文鳳次女成妹因誤許僕隸旋覺父母欲另

配女憤甚潛赴水死

修江之水清且潔東渡迴流不忍說前有戴婦昭盟詞後有成姑著奇節元明遞歷幾春秋後先相望同一轍景行苦况竟如何只為媒氏誣搖舌僕隸許諸秦晉懽厥父聞之義欲絕義絕義絕誠所宜節孝兩全仗何策跪泣低徊已斷腸敢云保身當明哲語畢遯跡不回頭一片冰心明澤國

幹山雜詠

邑庠李修字山

白雲終日隱衆山何蒼茫獨標千古幹百尺插天間幹山

崖壁不可平山鳥鳴砵砵溪水穿石流孤雲連洞沒幹溪洞

當年嶺上亭白雲為肺腑仙人去未歸竟與衆山伍亭子嶺

溪水何淙淙中有雙赤鯉揚沙遂成洲大風吹不起大沙洲

仙水闢石門重重自盤固啟閉惟白雲古今深守護石門

武甯縣志

卷三十八

藝文古體

五

四百九十六

密峰百丈崖清泉空傾瀉我欲叩禪扃誰復波羅者密峯

峭壁懸千仞瀑水瀉高岡雲封石髮古中有蛟龍藏石壁洞

天風何許狂仙梯落崖巷艱難不可躋獨有雲升降石梯

遊羅巖

盛芾昱峯

幽巖生白雲朝夕泛山麓我乘春風來路盤通隈隩然火入石門繞光飛蝙蝠一澗流寒泉無風波自伏青蓮掛高閣三五看不足微磴陟雲田玉液斷復續不涸亦不盈時有苔痕綠逕步度短橋皚皚琅玕矗石壁橫素琴彈我太古曲旁有長生書摩崖不可讀太息緘經人深心將誰屬徃復烟雲中幾回勞躑躅吾亦謝之去長嘯出空谷

冰文岩

盛軌子石

靈岩靄白雲石魚從之起風雨時徃還寒光流不已鬼斧開

何年無乃造物詭

流月池

流月從天瀉苔痕蕩虛碧偶然秋風吹寒光生石隙孤負山中輝不照山外客

神童山

國學李之華

猶是山連亘幽趣大都同如何開生面嘗駐高人踪宋代周先生生性直其聰當年吟咏處一碧挿盤東我嘗登其表縱目向高空修水流一綫山城明幾重故基杳何所古廟棲蒙茸人傳地亦屬千載名神童

題劉明府桂亭先生勸農圖

邑舉人余虹承露

我聞善政譜幽風于耜舉趾勸課農古來田畯專厥功後世此事將無庸桂亭明府何從容四月累日切深衷布穀聲聲

武甯縣志

卷三十八

藝文古體

六

四百五十

水溶溶鞍馬翩翻出郊東綠楊道上田舍翁秧馬倥偬牛背童蠶婦提筐出桑中一時觀者萃如蜂花酒殷勤興具濃紫陌紅疇瞻化工何期再見蜀文公士民之樂樂無窮寫生妙手關荆同披來一幅琴堂中猗與休哉時方雍

節婦余盧氏

邑令尹作翰

生不遽死苦成節死不願生慘成烈節烈二者自古難於茲兼之乃卓絕盧家女瑤池雪少小入余門星影銀河徹卅載喪其夫丹鳳分飛鸞鏡缺草不宜男憂心悒蟲鮮螟蛉望竟絕麻裙裹土築孤墳青山啼遍杜鵑血墓田數頃種梅花貞魂褊袂標孤潔年年寒食辦香爇修江之水聲嗚咽

伊山

陳簡翼渠

我昔懷幽想欲買柴桑田追踪五柳宅把釣芡斜川及今歷

伊谷耳目疑遊仙羣峰自揖讓一水復迴旋斷崖叢古木曲磴隱炊烟翠竹暗谿徑天桃紅澗泉相引入深處頓令俗塵捐何時從夙願結屋來山巔

伊叟墓

潘濤

伊水深蟠屈山巒互吐吞古木護高塚下有避秦人養龍入石湫性習龍狎馴道適以時舍相與爲潛鱗去世身寂寞蛻解何故親龍兮果誰本徘徊失其羣一夜封馬鬣雷雨猶憐神茅舍今不遠石湫無問津鋤花空對月種竹自爲鄰慨然懷曠世疇復識其真

喜雨亭

監生 李之純 雅齋

城陰橫玉枕上有喜雨亭盛侯昔遊讌甘霖沛郊坰誠禱天降康可以樂嘉賓茲夏頗苦旱野草漸無青擊鼓喧日夜瘞武甯縣志 卷三十八 藝文古體 七 四百五十五

靈

玉勞公庭仰視河漢流耿耿惟繁星亭中人已往誰爲叩山

遊魯溪洞

余 斑 枕南

山峨峨石齒齒羊腸路險行且止千山萬壑盤復盤古洞不知何處是溪邊竝立問牧童牧童遙指蒼烟裡一徑紆迴螺壳轉怪石嵯峨排近遠水田漠漠漾清泉棋局蒼蒼羅碧蘚龍潭水深不可測俯視瀾茫滋惶惑安得海門分水犀引我探盡龍巢與蛟室

玉清宮偕友人方春湖偶眺

歲貢 張曾勳 且虹

鐘磬生夕陰層巒度清響林鳥各安息邀我坐軒殿茫茫磊思巢本爲昔賢賞欲尋舊時迹幽人曰旣往劔石化空蒙丹池何泱泱呂仙仙已杳春深苔痕長相與出庭隅上下同延

望流月水聲清鐘鼎雲氣晃翹首望高峰率衣躡屐上

南山古松歌贈同樹張人峯

邑監盛 滋更生

南山有古松結根在岷千夏日不畏酷冬日不畏寒上有青雲摩其頂下有白雲養其根亭亭孤立幾千載中有白鶴巢其間夜來風月相回互古幹盤踞未可攀世人逞往忌其才我獨低徊抱永嘆吁嗟彼蒼胡不仁使汝抑鬱困頓不得伸我欲求之不憚遠但願與汝共盤桓朝則觀鶴舞夜則和雲眠悠游物我外不復問歲年

題羅節婦季子職員張作舟像讚

邑令尹作翰 湘潭

伊何人節婦子甫月餘父沒齒呱呱啼母嗟啼漸長成兄友弟伯氏謀衣食仲氏教經史心性啟光明行踪羞譎詭交遊崇師儒家居飭倫紀後先荆樹凋撫姪愛不弛範之以馳驅武甯縣志 卷三十八 藝文古體 八 四百八十四
康莊循正軌素心時涕垂為我言其似爰握筆傳其是修水流柳山峙

烈母陳方氏

新喻張懋芝

輕塵棲草間為時曾有幾古來賢達誤所欠惟一死一息尚存千載鄙錦衣玉食徒為爾嘖嘖方氏女激烈踰國士古聞同穴詩今世誰儀此吁嗟人命不可長咫尺冥冥泉路黃悲風號木天雨霜魂夢周旋那可得忍使終身稱未亡松柏既摧折女蘿終斷絕割鼻猶聞污蟻說百年身事一朝決義重如山心若鐵夜臺仍似髮初結隣里驚號烈婦烈吁嗟烈婦身死名猶芳安得大書明表達路旁使夫道旁觀者對之慚且傷

車孝子詩

張望

豪傑科舉吾由駕凡夫局促轅下詫世運略不肯雷同千年
以來有變化問賢良於臚仕中高閣六籍諷晨夜山蓋有窮
耕蘆人一個未識宏靖呵事親生死古記符和孺晶晶文章
伯此事天下落落然始皇焚書看世破坎僚傅子權孝誠踏
門以猶有人賀五里十里不聞名采風者何從偵邏久拌喬
木家園材無花無果留仁坐不以往訪好事稱聽此如欲麻
啖卧孝子擁篲遲悲谷明日提鷄走腰豁下首高尻嫌鯁愚
問而知之報且訝老遊不盡天一涯必有斯人藏巖罅及我
無能振高風乃爲櫟樟干雲倚

偕邱山人程萬登金鷄山

邑庠余振鐸東魯

金雞山高高不已峭壁摩天石磊磊仰矚屣屣帽欲落樵人
喘息山腰裡予與諸君同最願扳藤捫石搜奇瑰蠟屐予予
武甯縣志 卷三十八 藝文古體 九 五百三十六
不得上五步十步未尺咫先生浩氣獨殷冲舉足翩然若遇
風獨立崔巍舒長嘯山谷爭應鳴洪鐘白是君身有仙骨用
句登臨何處不從容我到山頭還徙倚先生指點形家理最
愛身從高處來放開眼界幾千里手摩蒼穹弄日月一腔塵
俗片時洗俯仰移時日漸低日下嘹唳鴈南飛取道更從清
曠處千山控立人歸去

游柳山感賦

邑庠余復半艦

柳峰峭削如文筆直入青雲摩白日仙人巖丈人巖拜下風
遙與芙蓉峰匡廬東西立柳公當日尋幽棲誅茅結屋山之腋
山容自此一更新千載游人仰高潔我懷此山已數秋今春
躡屐窮凹凸山林泉石尙依然墨沼書臺空殘碣自來各勝
概如斯天人理數真難說湧翠亭中借酒杯澆殘壘塊心悽

絕山鳥啞啞古樹鳴岫雲冉冉漫山缺徘徊山下獨放歌古
道寒陰淨暮色

拜冷氏三忠祠

盛 暖

自來忠貞長不沒此祠至今祀三賢一爲宣和之進士氏冷
諱洙字晦源學問該博復強敏重任可勝智勇全卒爲中貴
所深沮尋罷歸來處林泉紹興之閒國多故成賊蹂躪寇戎
武將軍岳公久知公檄公區畫守此土爰繕器械及甲冑日
夜經營整儔侶大戰印斗港名大敗績寇兵益烈勢如虎追公
圍公殷土橋復戰不克心自主隻身強著短後衣冒矢突圍
力與拒大呼殺賊氣已盡卒慘書生死行伍復有應元字英
叔少隨父任宦容洲父貧卒署不能返涕泣扶杖不勝憂歲
餘父櫬纔歸道道路哀之稱曰孝未幾厯官擢提刑適當國
武甯縣志 卷三十八 藝文古體 十 五百十九

危多不肖痛哭募兵勤王事沈忍毅謀舉其要孰知步將梁
與徐陰約迎降交相嘯危城已破身被執惟志不奪無敢誚
敵復動之以崇爵大罵不顧心不搖將有所圖終罔濟不食
而死亦含笑厥後又有諱凱者字曰才夫號龍崖名厠咸瀆
之貢士危言危行俗不諧讀書隱居鹿洞地深得誠明之旨
祕蒿然忠義忱時艱累微不起各有志不平則鳴輒悲歌聊
將著作舒胸次哀然十卷著有龍崖集十卷都失傳徒令口碑垂奕
世先年祠祀此三公家國表揚心俱同春秋俎豆隆受佑忠
肝義膽弔芳蹤我來拜跪檐楹下遺風懍懍騰清空安得廟
貌時修葺長留正氣塞蒼穹

車水謠

高 懿 石 村

桔槔鳴不已車落山頭日日落黑雲興雲散月復出月光

漫漫車頭水農夫汗

雞已鳴溪已竭枯苗有露暑氣微兩岸轆轤聲轉疾老翁力

衰不能前荷鋤獨向田中立四方星稀天欲旦城樓夜會歌

始散

喜雨

嘉慶甲戌禱隱峯洞石鑿潭之觀音泉

邑庠葉

杭華舟

石鑿潭清且深隱峯洞罨叢陰傍有層巒矗如戟紫煙縹緲

紛朝夕相傳仙人踞其顛洞內山名堆螺擁翠繞洞前洞名

螺古像懸崖數百載明成化十一年刊白衣大士像於崖之上今猶新恍忽普院鎮

滄海時維甲戌六月中虐遭旱魃額蒼穹烈炬高懸日復日

泥首慈雲屈干膝孟蘭心仰容安安旃檀烟幻霧漫漫隱然

霄漢藏風力警爾濕雲遮日色呼聲鼓聲相為儔雷聲雨聲

不肯休膏澤足田疇綠餘菽粟歡嗣續若濟大旱神之靈潛

武甯縣志

卷三十八

藝文古體

十一

五百四十四

虬豈必燒燕腥吁嗟乎宣布愷澤神之靈長誦觀音般若經

遊蟠龍寺三十韻

邑庠王勤

蟠龍之山何嶢嶢千盤轉盡勢迢迢深林忽傳鐘磬響中有

一利藏其凹混沌鑿開真宰出乾戶陡闢坤軸搖羣峰圍拱

若培塿剌施蜿蜒紛來朝時有白雲覆寺頂網緼杳靄滿山

腰欲吐欲吞狀豁閭或濃或淡抹林梢千松紛挐偃強鬪天

晴風雨亦瀟瀟甲鬣森張爭奮舞浩漭渟渟湧奔潮平生頗

志遊五岳牢籠名勝貯詩瓢脚根軒軒同霞舉矯首日月直

可招渴來翻倒三漿盈洪崖拍肩子晉邀更欲乞取安期棗

選音靜奏秦史簫雲夢胸吞不芥帶目空九土天寥寥俯視

塵世蟻蠊耳安問何人珥漢貂夔屈里中苦局促茲遊一使

眼界超野花競發紅爛漫行行緩度望仙橋昔日仙人已不

見放歌時逢谷口樵爲窮幽勝徑疑絕竟令神魂俱飄飄山
颺吹骨骨欲振長歌問天無乃驕但見寺前有古柏亭亭直
上千雲霄佳本移來幾歲月飽歷冰霜老不凋孤如拄天擘
雲鷲矯如擎鳥搏空鷗依依老佛塔前立居然特出挺孤標
又聞寺後泉挂壁冷然仙樂奏雲韶蒸霧喻日浮元氣銀漢
一線瀉生綃觸磴寒流懸玉乳霏霏錯落散瓊瑤山僧汲水
煮山茗自言山中春味饒我感山僧愛客意數甌白雪洗煩
囂不覺兩腋清風滿廣漠大塊任逍遙便起蟠龍乘雲氣相
與直上天門跳

石鑊洞仙泉歌

邑貢翁藻稼江生

古艾南巖陽麓有石如鑊藏幽谷形連丹竈鎖煙青中湧涓
流釀新綠不汎不涸淨纖塵豈羨飛崖掛懸瀑旱魃爲災祈
武甯縣志 卷三十八 藝文古體 三 四百八十一
禱神雨隨車至新膏沐邦民忻感石泐銘擘窠巨字生銚鏃
勝蹟饒傳濟物功尊者當年制龍毒

鶴樓八景

邑廩王佐別墅

衆鳥鳴朝暉彩雲滂山谷似欲從龍飛誰作錦裳服偶過樵
父肩挑來不成幅 峰嶺晴雲

悠悠出三源 地 皴得一奩綠都被軟絲牽波紋密與續有客
破溪烟依稀消遠矚 柳溪春水

殘月寶坊清淡烟空林寂不見剎中人但聞聲奮激豈是景
陽宮祇爲催枚擊 烟寺曉鐘

一輪秋月明一泓秋水碧玉窟與銀塘相照何清白金氣冷
乾坤那管悲秋客 銀塘秋月

瀟灑布清陰左右遮晴日時引薰風來鳳尾諧聲律佳士與

之居涼入讀書室

竹圃迎風

庭外森古松高秀莫能折上接一峯青任聚連宵雪君子歲
寒心幽人清皎節

松林積雪

路險人蹤稀山深樹陰積穿林到樵夫長歌曉烟碧可識婁
妃詩防滑蒼苔石

山徑樵歌

春風何處來吹得郊原綠牧笛破烟橫競吹無調曲借問爾
胡然膏雨連村足

平疇牧笛

看鶴亭

邑增生 喻志恢 曉莖

曾聞有鳥丁令威託蹤華表成昇飛遼東相去幾千里胡爲
此地垂遺徽山各地名兩相証欲質真情知者稀若言其事
概無信丁仙遺踪指可揮無乃仙人好奇詭往來去住無常
歸亦或丁仙别有主文人傳會多狐疑事越千載成今古看

武甯縣志

卷三十八

藝文古體

三

四百六九

鶴亭邊誰是非君不見林逋常放鶴孤山高風自落落又不
見子晉謝時人鶴影笙聲如有神爲問遼東華表中弔古如
何此城東我來看鶴鶴不見歷歷征鴻下遠空

七里山行

邑歲貢 潘運良 植圃

萬朶芙蓉凌劍鏑一抹輕烟何秀削峭壁高懸無處行鬼斧
神工倩開鑿憶昔石磴荆棘蒙安望徑絕風雲逼白日陰幽
走厓下鈎輈格磔鳴西東誰何舟行駭奔瀉立志鳩工穿一
罅碎石如斗繞江流盡是當年錘斫下客子行行重行行塵
埃忙碌若爲情俯瞰蛟龍爭洞穴腥風毒氣波濤驚古驛雞
鳴過者衆青山疊疊如迎送車馬轟騰石有聲踏破閒鷗宿
烟夢

上梅崖望雲得雨

郡庠生 夏賢少非

四望渺無雲一穴窻間起轉瞬千九霄濃集千萬里離奇聳
殿閣冠冕羅階凡雄風何處來電光黶隸裏磅礴一聲威如
傾天河水蒼生望未深安得無量喜

伊叟舊宅

邑貢翁 蘋冠江

山巔結草廬隱跡深逃世織履給饗殮參龍通智慧兵燹辟
秦氛蘧密林泉際風月共閒閒閉關心不滯遺址白雲孤峯
青人已逝

同友人遊魯溪洞

邑庠余翰馨齋

秋日清輝照下土未許幽棲閉巖戶朋來躡屐魯溪遊勝地
文人多踵武空山首見石門開高低崖壁接樓臺鐘鼓神龕
懸半壁春水池田長綠苔咫尺龍潭深莫渡欲渡恐有蛟龍
怒徘徊洞口澹忘歸野樹凝紅日已暮

武甯縣志

卷三十八

藝文古體

古

四百七十五

茅坪石

湖南候補縣丞翁 蔡

茅坪之山高幾許轟轟去天疑尺五雲氣遙連飛洞峰嵐光
映接瓶溪浦山靈毓秀孕清奇雲根幻石如瓊瑰五丁不作
祖龍杳老坑深處何人開誰知神物終難秘有美忽向山腰
出按劍羣驚席上珍流光似出鮫人室良工追琢同珪璋或
爲屏硯或界方堅純宛似崑山玉嫩骨猶如塞上霜我聞海
嶽庵中客袍笏拜奇石又聞蘇長公東海籠袖中願將此石
襲緹錦厥貢惟金同三品

孝井

盛壯

嗟哉此井水甘冽異他處至性所感激神龍亦潛助不然地
高亢那得通泉路沸沸而瑩瑩兼可澄操慮我嘗求其上躑
躅不能去緬彼當年闢鑿心菽水承歡營冰暑功成汲獻清

且漣一勺一瓢深孺慕世兒執袴漫相誇飲酒先生邀浮譽
何如青氈分外幽高堂式飲神饜饌惠澤亦復公士民終釋
爭取無朝暮日月晦蝕海亦枯岸石淺缺水陰涸國子先生
盛學烹弈世猶能循其步真情所觸將毋同復將督井浚如
故

劍石歌

湖北監利縣丞王瑞鼎主園

修江有劍石兀立蟠溪西相傳仙劍削崩男難扳擠其上產
芝草其下生玻璃在昔黃涪翁過此每羈栖水月雙清字剔
薛崖罅題釵脚今安在古跡志棗梨我家住南潯盈盈只隔
溪南宋以來世復世誰其壽考與茲齊吁嗟乎人生一世苦
旁午敢讓江山獨千古

偕盛霞軒遊大源山洞

邑庠張尙銘 熙臺

武甯縣志

卷三十八

藝文古體

五

五百〇二

秋中萬象澄人意與軒豁我友招我遊拄杖詢所適眷言盤
谷好緣磔把臂入延袤三十里吳楚區南北兩峯屹其外指
顧嗟奇絕樂哉洞天幽誰代闢荆棘兩間多異境高深曷窮
極巖甃祇平行胡爲坐太息與如廓有容徑不礙硯仄比偕
磊落儔意象相得得仰視飛翎高俯聽流泉咽閒雲卷巖末
空翠近欲濕山棚幾人家炊烟補林隙偶然值林叟蘧然迎
我揖啜我山閒茶啖我山閒粟坐說年時好四隣沐膏澤疎
籬豆枝紅蘆苞綴玉粒秋崖處處花冷淡傲春色以此緬桃
源因歎身世拙行藏但有時與君各努力巖下香風來今夕
竟何夕笑謝山中人予亦從茲出

鯤花岡拜張閏楊先生墓

邑庠盛化神 兩一

櫻山一布衣墓草已五綠當日蓋棺時萬里來芻束我思古

之人立志潔如玉英華散九垓遺塚委荒麓春日杜鵑啼秋
深暮猿哭悠悠重泉中芳魂獨淵穆

望龍峯

國學魏之珍 席甫

金城古觀地稱僻亂峯環聳雲抱日觀後有峯號曰龍一尖
插天形似筆絕頂自昔祀龍王噓枯澤朽濟民急旱暎禱雨
雨傾盆神靈牛藉山靈力我曾九月躋其巔髣髴去天不盈
尺一朝廟貌煥然新想像聲靈長拜揖

雲臺石

在江陰鄉山絹源口

韋世楓

拂雲

暮雲不許來朝雲不許到蒼蒼自出雲只許清風掃

古柏行

用杜工部原韻

潘文誦

鳴琴堂前植古柏四百年來固磐石霜雪鍛鍊歲寒心老氣
橫秋高百尺朝暈梢頭雲氣青暮節葉底月痕白玉枕峯高

武甯縣志

卷三十八

藝文古體

七

四百八十七

有鍾靈人似甘棠相珍惜濃陰覆翠鎖隅東遙看氣燄逼半
宮蟠龍蒼曲自攬擎一掃山林萬木空撐持百里艾子國老
盡春雨復秋風生成原有後彫質不受人間匠斲功乘時自
足作梁棟孤高偃蹇猶見重兩代人民任變遷花晨月夕相
拋送依舊枝葉此青青不巢凡鳥巢靈鳳人生抱質自完全
材大終能歸大用

南臯八景

潘藝蘭

獨步荒山裏荆杞靄雲霧傳是昔時仙爐灶煉丹處羽化今
已遠我來方遲暮深感清淨理清風度林樹 雞山仙穩

野老安貧賤世事無一求夜臥東山月日濯高澗流澗水清

且淺小魚時出遊萬物自閒妙造化與沈浮 南澗清流

斫石嵌爲塔森聳在深山朝見鳥飛去暮見鳥飛還木石嘗

與俱空山養疎頑太虛本寥廓飛飛者自閒丹青雁塔

小徑曲折入參差多廬舍雲中雞犬繁屋角桑麻亞兩岸夾

桃花一溪緣源乍桃落復桃開何事騁塵駕桃源春富

結茅臨絕頂林泉生虛籟風吹白雲開天空星辰大摘之欲

懷歸仙子不我賚何當策高足置身遊塵外槎源星近

雲欲與之離石故為之合石欲與之吐雲故為之納石與雲

相忘雲與石相狎如劍光出獄如太璞在匣島山雲橫

共其叢枝極瑩瑩垂金露好風自東來遙聞天香度昔者有

高人於今尋佳趣景物自依然風巖邈難慕東山瑞桂

西嶺有喬松高與雲霄接孤榦何挺拔旁無他枝葉小草俯

其根顧盼好顏色嚴霜一朝來淒淒衆芳歇西嶺喬松

遊魯溪洞

邑優 余紹曾 香泉 庠生

武甯縣志

卷三十八

藝文古體

七

五百卅一

見說魯溪勝奧窅開洞天有客招邀去芒鞋踏秋煙拍肩搥

袖七八子石門斜入層崖巔呼童吹火發松炬跣足振衣涉

沙渚九曲蟻珠一淺穿千態萬狀不可數平疇厯落疊町畦

絕壁噌吰嵌鐘鼓仙佛青蓮枯髮垂棋局蒼苔爛柯古洞室

偏仄潭窟深到此不容人布武童子語我行且止此是老龍

出入之門戶大旱時起膚寸雲洒向魯溪作霖雨噫噦噓此

洞大約闢自洪荒初洪荒寂寂無鐘鼓洞中鐘鼓誰為摹洪

荒芒芒無隴畝洞中隴畝誰為鋤上古先人開圖繪森列萬

象良非誣造物巧以物肖物神者其精形者粗不知十二萬

年後此溪此洞長存無我來偶得一瞬住作詩火急追亡逋

清景一失後難狀此語吾聞諸老蘇

登南山絕頂

邑廩 余 焯 午暉 生

三徑黃花爛熳四圍紅樹蕭然遣興南山高處芒鞋踏破秋
煙

峭壁捫藤直上浮嵐把袂徐穿境僻行人到少斜陽幾樹殘

蟬

絕巘荒涼丹灶重岩滴瀝清泉柔落西風醉倒石牀穩抱雲

眠

忽訝身超塵世竟如人坐壺天拍掌一聲長嘯青山綠水悠

然

綠石硯銘

硯端鐫玉堂新樣四隸字

邑議敘同知

張向仁 友山

我愛此山石品與圭璋列春露潤之清以潔秋霜勵之堅且
烈望之光哲哲叩之聲咄咄毀之不裂汚之不涅噫嘻是石
也直友筆方友墨友山氏取而切磋琢磨與為珍惜館之棗

武甯縣志

卷三十八

藝文古體

七

五百二十四

竹園卧以綠芸室綠綺和聲綠天養質是謂君子之交端厥

始同術同方惟其終同心同德

硯陰昔丁寶臣知端州製綠石硯送王安石謂之王堂

新樣安石以詩報之曰玉堂新樣世爭傳况以巒溪綠石鐫
以埋瘴霧看猶濕挹取春波洗更鮮予得端溪綠石製硯既
成先於面係之銘復於背述其事且繼之以詩曰歷盡巒溪
淺度春一朝挾擢出風塵舊時新樣今時譜拊取方家笑效
顰匪敢媿美荆公亦聊以廣好人所好之意云爾友山氏又識

車孝女歌

見列女

教諭

范佩蘭

香谷

割股療親固非庸德然得白未知書之女子且得之

既嫁之後孝行可嘉因賦以志焉

孝近於愚行轉奇年豐車氏有女兒女兒傷心父垂危聞言
割股乃可醫遂將私割入藥糜忍泣救父計無施那管此割
血淋漓爾室潛自禱神祇父病霍然果平夷人言孝子不體
虧女盡乃心他安知苟利於父無不為試問倉皇誰能之真

誠貫日原非癡况又得之已嫁時已嫁而孝猶不衰願持此
意愧鬚眉

癸卯春初柯煖叔陪汪菱侯葉蔚堂遊魯溪洞予病目
不得偕行因憶嚮時所歷書懷以贈

洞口人 劉汝楫 藕航

魯水出山何離奇橫空噴雪懸巖飛盤迴起落遶溪下都在
玲瓏石閒瀉盈盈蓄洩蛟龍宅精華凝鍊長天色妙合之精
來蒼芎西風吹開煙塵隔蟾光直逼水光溢水中碧落流瑟
瑟九霄做鏡夜輝晴一印勻圓潭底出龍潭月印迎波翻播水晶
毬波痕毬影相跳脫潭西虬甲松千尺潭北嶙峋獅子石松
陰石黛滌洞中虬盤獅踞浴清白巖下漣漪巖上竹天然瀟
湘圖一幅時搖葉葉映練紋狀得魚遊半奩曲陳嶺洞側泉嶺名

武甯縣志

卷三六

藝文古體

十九

五百五十九

鳴銅絃聲大磨洞前嶺名寶光照天燭黃溲老死丹竈寒竈畔砂

沈新草綠相傳黃溲能燒藥為金今砂中寶光時見翩翩雙燕藏形迹葛屨何曾

歸馬春葛洪曾居洞東馬脊山遼陽鶴去杳難尋當年空飛王喬鳥王喬

嘗過洞東之南山故南山亦名鳥飛山雖有名山咫尺隣仙之人兮斷消息昂

首試為山靈語陸離光怪徒如許岫裏閒雲自去留五千年
來無地主石室空空冷如秋朔乃孑然獨居處豈謂巫娥弗
善守其素雲雨錯向陽臺賦牽惹多情楚襄王一夢遺留干
載汙玉洞不與塵世通人煙流水桃花別有天層嵐隱蔽神
仙路人踪不度天台巔天桃誤引劉郎入卻怪胡麻一飯相
糾纏為此灰心安寂寞酒狂詩淫怕溷濁且任采薪牧犢流
自往自來自灑落山靈見說開口笑君言高潔復諧妙若云
飲谷有前緣除是遞鐘操同調我聞遐寓黃涪翁其人與地

相始終五百載後盛氏起劍山芳名如芳蹤此外艷花岡神
異棲遲雅稱赫曦冬張閏楊師魯山何竟弗相捋須君峰下白茅
結五千年來待至今莫辜天地爲君設

讀柳貞公祠堂記有感

新昌舉人張炳然 煥堂

曩初客武城萬峯攬浮翠惟柳峙西南特立標各異殷勤叩
主人巔末知之備山固藉姓傳井復以謚字先生家河東偶
膺衢州吏斗米恥折腰掛冠尋勝地憑茲築書臺伏處求其
志石室餐蕨苗玉案羅經笥晚邀世主知遂同平章事居匪
烟霞僻仕豈華衮餌出處大義明潛見皆當位公旣屈而伸
山靈同拔萃後賢仰止深爲作祠堂記我讀神往之繭足不
能至何時謝屐借梯雲遙與跋一勾薦黃泉萬卷探奇致星
斗手可捫俯瞰飛鳥翅奧曠足徜徉於焉願終寄

武甯縣志

卷三十八

藝文古體

三

四百八十九

武陵潭石洲修隄紀事

監生 舒翼 淡菴

武陵崖下武陵潭潭百尺深綠波涵水自西來值秋盛雷轟
電掣雨意酣雪浪排山山欲倒沿溪有路難爲保走石推沙
此成洲途窮苦被行者惱盼斷洪流無路通幾度庀材與鳩
工連以木欄填以石早晚督成風霜中隄旣屹然亘泱泱高
廣丈六長百丈上有巨石砥狂瀾殺其水勢忘洸濂自來文
石係尋思更取綠楊想象之一勞永逸胥是役差爲行旅示
坦夷

新增

梭山樂

張望閏榻

梭山胡不樂春耕原上田穉子伴黃犢鄉里炊晨煙颯然風
雨來斧木平且安

樓山胡不樂秋光到茅蘆橙橘清不已人景何淡如訪友起
高興長歌行路衢

樓山胡不樂安分殊了了生無名異姿得望聖賢表長坐大
樹下修蔭以自好

淹戍盤校書既成爲雲南譚大夫

了無生平相加心屬一編諱千古深茅屋於盤栖曹鳴榜戶
却容抱窗陰屋暗老眼挑燈晝報塞殷勤夜忘衾春山春老
花已謝秋月秋懷吾何禁只今還爲陶曾亥遺字漏故有補
紙詎有盤緣三間屋譬若萬里佳人臨卷書中宵戒子細長
起送信馬駸駸呼來吾曹冬釀熟暖依東牆忼慨斟

夢至隱者所居

蒼岷屈榦山崆峒一道如虹瀉飛瀧溪破兩岫百橫砢北渡

武甯縣志

卷三十八

藝文古體

三

五百十五

穿林鳥塘撞瓜蔓蓬蓬紅絳夔兒掌掘地園丁雙傳觀謹然
有話邛噍乃百斛鼎雄扛闕粉壁開明窻有遺世者酣牀
杠南越輕刀盧頭雙大宛奇客青毛驪船斜水曲馬立椿來
臨山人驚黃龍鄉賢里俗訊彼邦我欲知之我心降僕馬之
聲戶泉淙悵余不畱夕黓黓風笛高樓梅花腔

讀武甯盛子明叔子和阮公詠懷詩題後 蔣士銓

賈賤勞其生富貴倏忽死習靜窮山中庶幾見物理心清夢
恬澹吐語絕泥滓虛懷明玻黎注以上池水不歎復不溢稱
意作流止我讀古人詩跌宕滿心志因知百年下懷哉盛叔
子

武甯山水多中有盛氏居季子樂委朝露仲叔將焉如子野
艸野頭已白著述驚賢愚其文合典則起衰賤浮譽叔子意

蕭條吟聲散空虛偶和阮公詩冥慮爲鬱紆蒼山含秀姿古
木露膚腴悠然字句外筆力常有餘時無避俗翁誰與明區
區

昔爲厯下游抱膝坐高閣日對城上山懷想散寥廓秋風生
岱宗木葉向人落觀物漸多悟氣清謝衆濁哦詩示老生常
使舌指齟歸來掩蓬門此意頗寂寞經年無一語足以破束
縛憂多損神智倉卒皆外鑠忽誦于明詩纔知有生樂

一燈照虛堂坐聽百蟲語夜半聞兒啼覺有歸人趣深檐出
螢火井井避微雨感觸念故人生死各異處詩人苦紛紜蒙
昧競齟齬汪軼苟終窮豈復望徒侶可憐盛叔子怒然抱憂
懼低頭問後賢用心毋乃苦

哀及門溫申存詞一章

邑人李嘉鳴

武甯縣志

卷三十八

藝文古體

三

四百九十五

怪雲轟起妖氛高長蛇封豕紛咆哮赫赫冠蓋轟奔逃安得
草澤仗英豪拚將碧血濺賊刀卓哉溫生邁等夷金石其心
松柏姿歲在甲寅厄運移紅巾颯颯揚旌旗生年甫屆十六
期短刀忽捨讀書帷生仍兀坐賊偏奇餌以官爵尊以師生
乃怒裂眦生乃憤致詞謂可斷吾肢安能從爾草頭偷活之
行尸謂可殘吾屍安能受爾井蛙自大之邪辭讀聖賢書果
何爲吾骨可碎心不渝遂逢賊怒恣凌遲嗚呼噫嘻五尺之
童無完軀我聞蠶蠶猝投雷震耳賁育荆諸猶失指不爲威
怵不苟生志士仁人求其是况乃童年已如此我聞宋朝李
若水陷身番營罵賊死香名萬古光青史布衣莫作等閒看
舍生取義一而已

哀破石

增貢 劉翔龍

破石嵌江深莫測荻蘆風起秋聲逼中有碩人孝且誠碩人姓王
行不得戈矛接且向刀頭爭一刻下氣怡聲泣涕言殺予母
使母心惻待送阿母出門行回首一任身寸殛前者聞之怒
已平後者飛來語亦塞老母在負身已摧母亦投柱斃塔城
我聞王氏世代有賢聲明德之後皆翼翼美人無處避豺狼
香草連根死荆棘搔首平原問彼蒼彼蒼無語雲翻墨修水
不洗萬斛塵血汚游魂嗟罔極黃土一杯石湖堤道傍過者
三嘆息

灌園

呼童共理園園穉無好土聊栽石縫中全憑灌溉補童子向
予言謂予何太苦古之大聖人不與灌園學圃深感童子言此
武甯縣志 卷三十六 藝文古蹟 二二 四百九十八
身愧東魯但念時勢艱未能忘貧窶兵革亂未收終年無十
雨民食蕨薇根差以飽腸肚豈不嗜珍饈十室九塵釜明年
我亦然齧爵菜根乳

古柏行

武城署前有古柏銅柯十丈黍霄碧雷雨過時疑有神霜露
飽凝流玉液根深葉茂歷兩朝云是洪武初年賢宰盛東民
公之手澤公爲當時靖難臣宰武遂作武城人植此甘棠留
遺愛公族公姓皆振振河陽曾種花滿縣何如武城一柏常
清新武城地僻多鈴鍵山高水陡道亦險四百年來罕覯兵
民心質直日遷善琴堂不絕絃歌聲古柏勿伐亦勿剪孰意
西粵起強梁湘北湘南走徜徉六軍不振九江陷遂教小醜
肆猖狂外寇半由內寇誘甲寅之歲侵我疆陶令初來事孔

急紐絲告警費隄防夜深忽夢不速客素車白馬來公堂衣
冠都作前朝樣握手殷殷話正長自言不是輕離別柏樹堦
前記精詳陶令待旦三嘆息巡堦熟視柏顏色蒼蒼不似向
來青滿樹愁雲皆黝黑清香一瓣拜署前杯酒重澆柏樹側
柏兮柏兮去幾程越月遂難鋒火平叅天喬木付一炬斧斤
不聞丁丁聲人言古柏遭灰劫我言古柏大分明碩鼠食麥
適樂國舍我黎民棄我城吁嗟乎大厦將傾壞梁木百千萬
人當路哭一年慘遭三踞城踞城紀日百十六紅巾萬頭髮
蓬蓬城中一覽無大屋殺人盈野血污河三尺之童竄林麓
我從三月出西門西門城外如羸奔東南半載走荆棘八月
始卧柳橋村柳橋之山鬱以青柳橋之水清且綠爭向綠水
濯我纓又向青山煎我足其間自昔少知名居民不問榮與
辱檢韻翻作古柏行但願早把狼煙肅歸來直上署墀東覓
得焚餘古柏殘香一片珍如玉

貨屨歌

盧家有子字元璧生涯貨屨無充積貧賤供親不知難但謀
甘旨奉晨夕生不逢辰可柰何子母相依最艱厄况兼母病
十八年拘孿難爲一子賢曉起移床撐母坐一甌特逢煮清
泉飲既衣櫛侍溲穢盥沃躬炊益拳拳捧箸進餐始自出一
肩草屨日中旋推食食母忘枵腹解衣衣母甘無服晚飯又
需賣屨錢換取一升兼一肉夜深織屨向母言明朝有米堪
饋粥母氏聞之喜且憐不羨人間千鍾祿吁嗟母病亦何常
七千爲日最爲長元璧事之如一日天心應俾善人昌我聞
元璧鮮昆友又聞元璧無仇偶母死終喪始娶妻生子人言

食報厚胡然老去慘喪明伯道無兒嗟白首嗟白首問何咎
頽然一死葬青藪承祧一子抑又殤天道茫茫誰得剖

柳橋垂釣

老去學忘機心念礮溪叟呼童理釣絲散步至淵藪籊籊揮
竹竿默默坐垂久水底詎無魚小大恒八九大者去悠悠小
者入吾手童子有何知隨意貫之柳謂予舍大魚小魚獨何
咎此心或不仁予則曰否否小者貪餌甘大者驚波走貪則
自亡身奚分薄與厚

讀余彙人忠義錄

歲貢方迪崙

彙人四子俱一時陣亡已奏請 旌卹在京刊忠義
錄均各縉紳題贈之作以一編示予因續吟焉

荆花繞膝簇生香學書學劍課兒郎學書成仁取義學劍除
武甯縣志

卷三十六

藝文古體

三五

五百〇五

莠安良蠹爾紅巾賊蹂躪壓村莊弟兄呼募號皇皇書生文
弱不知武全憑義憤磨干將風雲跳盪鼓幟飄揚刀鋒礮火
血漬矛鎗祇期草薶而禽獮誰知鼠竄而狐狂前股被剗忽別股來遂遇
善嗚呼哀哉阨運穹蒼君不見古時大吏擁封疆貔貅十萬
戈矛長驛吏驟然來警報全軀孝眷走窮荒又不見冒功寄
功誇殺賊麒麟閣上邀天章君今有子髮甫燥羌被同溫艷
義方直把頭顱完大節忠魂浩浩升天堂噫嘻忠魂浩浩歸
天堂岳武穆張睢陽漢蘇武宋天祥古來奇傑多如此靈光
百代遙相望莫道茅檐窮達異瑜環瑤珥盡圭璋爲公辦香
供正果請呼四座陪公傍

遊南鄉觀音崖放歌

恩貢鄧匡瀄 樓庵

洪州之西海皆上羣山高聳不相讓仙人洞壑盤幽深見者

稀罕鬱萬狀家住山縣城郭中浮嵐謫翠四面通心向往之
足力薄紫鹿黃婆都未逢昨者竹輿發茗水一徑迂迴山窟
裏鄉南大道無平塗橫嶺側峰登不已忽循石磴入崖險一
十五里煙霞深倒瀑飛泉出雙峽晉代以來無問津觀音大
士垂纓絡端坐空中張雲幕五百羅漢附其旁俯仰向背神
躍躍高者露頂欲摩天下者跌坐坐枯禪中有婆夷却變熊
螺鬢了髻何精妍絕澗龍吟震幽谷驅逐山君走仙鹿白日
不到陰風寒鬼斧神工駭心目我聞虎邱小而奇名公足跡
相追隨輪蹄所至互標榜靈隱天竺皆鏤詩山石光怪有如
此造物矜心完內美故將文巧發發鈐政恐俗好失神髓天
下名蹤間氣鍾豈留奧窔與仙翁僻地深藏已千載風塵惜
我過匆匆倘見燒石煮芝處登雲將與俱飛去

武甯縣志

卷三十六

藝文古體

二十六

五百廿一

西灘漁者

翁鳴球別溪

西灘有漁者削竹插河湄非筮亦非笱業此意何爲漁者嘖
有言用術別操奇累石高如墜置竹水一涯遊魚入其中如
入網與箕惴惴不敢出任聽人取携拙哉大穀魚胡爲久戀
茲江湖足游泳龍門倘可期水深適至骭竹高寸有奇魚兮
試力一躍出藩籬

苦兵歌

劉宸謙

我聞吾邑綽有絃歌聲數百餘年罕覩兵又聞巖疆人所憚
嶺道崎嶇不易行自從四境烽煙起鴟張豕突紛縱橫大江
直下九江失羽書飛報陷溢城紐絲一敗動鼙鼓附郭闔閭
付焦土官兵既去賊仍來殺戮姦淫不勝數回首孤城意慘
悽九家十室罷鋤犁翹瞻久待援師至有如大旱望雲霓快

哉八月城池復獵梟窮蹙竄林麓南潞兵勢擬雲屯道旁過者皆屬目誰料兵驕將亦驕典戎無才殊碌碌掘盡田間藎積根十里內無完竹木今歲况逢旱魃哭千村萬畝變蒿萊城鄉更起軍需局用似泥沙良可哀試思租稅從何出猶是朝朝暮暮催潦倒千家村野哭苦雨酸風逼迫來吁嗟乎天心何忍不厭亂目擊時艱腸寸斷臨風有淚哭蒼生蒼生何劫遭塗炭寒儒也晝避兵符辟處山陬徒扼腕放懷聊作苦兵歌豪情一唱復三嘆

讀書臺

呂祖丹

江家橋有讀書臺亦名狀元坪卽鹽益山附吾霞莊之外爲水口山也相傳里許俗傳爲宋公注萬里讀書處并傳有墓

往事雖已矣山河同一眺來者不知誰秋風獨長嘯寒流急

武甯縣志

卷三十六

藝文古體

二七

五百十三

暮天野鳥啼殘照斯人豈等閒至今無遺廟古墓知何處空山誰相弔

張公鎧公鏗兄弟殉難詩

劉午

江南反江西亂寇武甯六月半維時居民均遠竄鎧不遠竄獨何心爲殷敵愾歷嶽岑倉卒與戰被賊禽鎧罵賊賊知若弗知謂鎧實儒者司文乃其宜甜言相誘密防維明日擁至李家莊莊前鑿有三角塘誓不受賊汚竦身投汪洋賊拯之起眦怒張問曰從不從答曰殺便殺雪刃交揮熱血飛勁節挺然不可拔鏗痛其弟死枕尸哭鳴嗚賊喝而止之曰不畏死乎鏗忿而詈聲益厲遂乃駢首戮於塗噫嗚鎧特瘦弱書生耳鏗也力田而已矣致命遂至竟如此食祿偷生安足比不見當年均埊弟兄皆撫仕清芬何似塔原水

烈婦吟

邑舉人劉午

婦孟蛾氏曰周夫俊熙姓曰劉年十六咏睢鳩效于飛稱好
速歲丁未羅患憂夫病瘵醫莫瘳侍藥爐奉粥甌夜向晨屏
斲齧資不給私爲籌凡參苓及脯脩質嫁女罄所留或淋雨
泥而謀迄已酉歲月哀忘勞瘁混怨九月辛未梧葉秋日丙
戌夫魂游仰呼天天亦愁俯思命命不猶雖有女願豈酬無
遺孤生何求解其帛束於喉乘其隙縊於樓奔救之尸尙柔
寢之床口血流氣淹淹聲啾啾越三晝息乃休雌雄樹共一
塚鴛鴦墳同一邱銘貞烈長松楸勵薄俗信有由婦之志難
與儔古賢媛庶相伴待輜軒以闡幽我作詩風颺颺

爲陳母方太夫人紀烈二十四韻 邑舉人熊先幹

同夫一歲生後夫五日死夫生辛亥妾辛亥二十五年偕終

武甯縣志

卷三十八

藝文古體

二六

五百廿九

始十齡入夫門十八成夫室二十有三一子生其奈妾夫遽
得疾嘔心夜夜血傾盆兩載扶持長飲泣朝禱夫愈暮禱夫
愈夫不愈妾無侶欲往從夫人弗許絕食猶未亡密防又相
苦改容前致詞自今無復爾豈不念老姑豈不念稚子儼然
受殮徐作羹步入閨中奉甘旨且則乳兒暮哺兒舉家見之
入息矣那知妾無夫妾復生何爲潛身倚柱投繯絕一燈如
豆月照帷 仁宗嘉慶二十年二月十五之子時從此
身殉非遲遲一笑相隨他不知夫名何陳思舒婦姓何方家
妹武北鄉二十七都所居里曰牌樓下厥子葆元真長者當
詩二齡四月耳今朝已選州司馬

看鶴橋步月歌

韋心湛

步仙橋兮感予心振羅衣兮風泠泠白骨兮青山歲序遷兮

人民吁嗟乎化鶴兮不復旋月明如昨兮至今

步出西門行

金風吹短草落日出城西路旁誰家地荒塚何纍纍解瘞死
今昔無愚賢上有四望崔危之高峰下有修水曲折之長川
解山峙水流不崩不竭人世生生儻忽歲月解亂日服藥求
神仙劫灰飛盡王喬骨何如豐酒高歌歡四筵解

哀武甯鄧紉秋

皖松孫爾昌

武甯城上雲頭黑武甯城下軍氣墨九天白日忽無光四至
惜騰愁霧塞咸豐歲在丙辰冬毛賊蝟集武甯中義旗一舉
鄉團起紛紛竄過下坊里下坊儒者鄧紉秋亮節清標世罕
儔讀書不起科名見絕俗都無子婦謀賊來倉卒避無地脅
之以威誘以利百折不撓金石心七尺軀捐存大義此事忽

武甯縣志

卷三十八

藝文古體

二九

五百十三

二三載餘我來巴河營次居令嚴夜靜月如水參軍親傳辭
一紙有註辭正哀切情甚真半述生平半紀死死時罵賊祇
數語泚泚大節足今古齒媿睢陽舌常山益爲綱常成砥柱
吁嗟乎人生亂世難爲名節義一重命殊輕河嶽英靈日星
曜無分韋布與簪纓

輓鄧紉秋

羅田張珏玉坡

豪傑從來生使獨何必等身無殺戮紛紛熱淚澆將才我且
痛爲儒士哭江右鍾靈有鄧生奇骨凜凜生巨族儒者一事
知不知右軍手筆孝先腹秉性矧超塵表間跡屏廊廊甘澗
谷不爲良相爲良醫着手春生仁壽木有時把酒斗十千明
月一篇吟興足此間風物屬斯人寡和由來高者曲奈河生
逢多事秋鬼蜮迷離圖角逐臨難誠知苟免非從容就義夫

何辱風沙慘澹生蒼涼神鬼哀號多悚慙丈夫殉節分所宜
奇哉草茅非顯祿其時婦孺亦驚聞齒頰流芬長馥馥忠魂
烈魄本生成紉秋名字迴環讀幽蘭爲佩是孺芳素質那堪
秋氣肅鄧生死矣不復還悔未相逢手一握伊唔憑弔起蕪
詞聊當生芻之一束嗚呼不屈儒風若鄧生大造別開忠孝
局家有奇孝家之榮國有奇忠非國福

題忠義錄

戶部主事舒鼎邑人

天爲奇才表奇節奇才雖厄節不滅長源一派浪翻紅流不
盡滿腔忠義血蠢爾粵匪形詭譎竄擾荆楚蔓江浙彈丸武
城界通衢蹂躪不堪恨誰雪 彘人孝廉世闕閱四子能文
更英偈大聲疾呼義旗挈遐邇響應聞風悅潛師 夜渡潭
埠灣風雲光咤江河決渠魁就殲我武揚賊勢披靡半毀撤

武甯縣志

卷三十八

藝文古體

三

五百卅一

詰朝乘勝復長驅眼看強寇無遺孑霹靂一聲破空來賊援
礮擊火光徹眾寡不敵勢不支常山首尾中分截奮臂爭先
不顧身臨難偷生誓不屑半生壯志一時休千古英雄齊嗚
咽大抵造化鍾奇多挫折百折不回此心鐵不然儒服儒冠
不過幾書生餘亦少賤親疏情各別何以生同仇死同穴見
危授命出一轍面如生心如結取義成仁兩無缺至今巍巍

祠宇祀豐潔縣縣封蔭森

朝列

九重

天語賁江

鄉尤喜一門獻忠烈古來彭殤終同歸壽身壽世誰優劣我
困風塵从疲茶猶記涓陽生贈別有註悠悠生死數年違恨
無鳧舄飛來親奠醞當哭長歌歌一闋九京聽之應愴絕誰
與說怒髮猶冲耳猶熱神其有靈默助我軍威區區小醜何

難掃一切

雨後同陳松齋過玉清宮宿陳竺生書齋次日同遊磊
思巢淹戍盤遺趾 郡庠生潘立蓉

雨前雨絲雨雨後雨絲晴帶月渡溪橋衣上白雲輕我友讀
書處空山一燈明幽韻出林杪澗水含淒清到門不遽叩延
伫若爲情古柏參天翠流影堆前楹勢挾風濤翻走壁龍虎
驚

閉戶懷千秋開門還一笑煮茗坐三更心清羅衆妙餉以先
哲言時出示閩榴竹門二先生集旨深於味道乃知山水窟獨闢文章奧
我欲吸巖泉手招山月到一片空明心精光相照耀境寂夢
亦幽天風號夢竅

劍水盛先生櫻山張夫子昔年斧藻工今但存遺址一柱一
礎間想見經營始心精結構牢作記滿人耳形息神逾遠挾

武甯縣志

卷三十八

藝文古體

三

四百廿四

摘金石髓回首卿雲高光華散天布春風益窮壑海宇珍片
紙那得賢公卿愛才盡如此盤爲譚中丞饋金所築

詠鳩

七齡童子萬 岫風遠

鳩在洲中其濱有魚鳩不食魚鳩其仁與

其雨

其雨其雨悟我奇文草木在水山川在雲

閒情

坐我溪頭石垂我溪中絲溪水流後流溪風吹復吹

暮山

不斷蟬曳聲如聽秋風曲日暮山蕭蕭寒雲捲修竹

柳山讀書臺

葉致和

衢州司馬負奇才遁跡名山剪草萊萬卷詩書搜故篋拂拭

峰前高石臺臺上煙霞自來往名士棲隱徵涵養平生不爲
宦情忙終日古今堪俯仰書聲聒聒驚人間臺高下瞰水一
灣請看荒草年年碧相傳舊號柳公山

紀烈 葛蕭氏

葛養吾 瑞生

極目修水南東山巍然峙造化洩精英閒鍾偉男子巾幗亦
鬚眉堅操能自矢際此擾攘時嘖嘖稱蕭氏辛酉寇蔓滋一
帶烽烟起四月十一日狂氛逼桑梓居人盡錯愕疇敢撓虎
兕氏也戀阿姑不忍先自徙待到阿姑逃纔離深閨裏出戶
不數武倉皇行且止身竟被賊執罵賊聲不已白刃不遽下
賊固艷其美連呼速殺我穿齧而嚼齒可殺不可辱激昂如
志士慷慨就刃亡貞心何乃爾人爲氏也悲我爲氏也喜取
義而舍生千古有定理苟義不當生雖生不如死憶昔有註
武甯縣志

卷三十一

藝文古體

三十一

三百六十六

葉周氏家住橫塘里救姑身被戕競將其事紀憑弔孝烈坡
頌聲騰遠邇氏今樹大節後先有同軌白壁淨無疵矚然而
不滓肉食貪生輩對此應含恥清風拂空山明月照溪水烈
氣凜然存芬芳揚彤彤

紀艾城貞烈張盛氏

皖松 汪維城 省吾

貞女盛氏居艾城耆姑其字銀其名幼字張生與毗鄰紅絲
一諾重山盟無端遭劇疾冰雪悴蘭芷女時年十八告親請
往視遂堅同死心往卽不返交續命無絲絲閱日竟不起幾
如相梁妻慟哭城爲垣或乃促使歸殊不諒人只竟將在山
泉澄作古井水殞殮事甫畢情發義能止稽首太姑前敬行
廟見禮更求續螟蛉式穀承夫祖轉瞬將三年遺魂空一紙
黯然疾竟作形拚作蛸委不藥亦不食詎止容顏毀藁礎見

有期覓而九泉裏吁嗟貞女女中雄來時慷慨歸從容天地
正氣付巾幗何媿古昔賢媛稱女宗君不見鄭思肖與王炎
午恥臣異姓甘伏處豈必立朝廷始勿忘故主嗚呼貞女貞
士心無殊長留此筠松勁節昭來許

朱家山觀岳忠武平趙萬處

盛寬宅篆

宋代名將稱忠武蕩寇除氛徧寰宇至今將軍征戰場不見
將軍見塵土艾國之南有朱山趙萬據之猛於虎山形四面
劍稜稜兩峽巍峩堪伏弩天兵一到如有神頓使羣賊失其
所山前險處設旌旗山後隆隆鳴戰鼓將軍從此逞神威斬
賊頭顱難悉數我來正值仲春時山南山北開蘭杜但愛山
中草本芳誰念將軍征戰苦鬼哭神號苦戰場春風吹徹

山雨

武甯縣志

卷三十六

藝文古體

三

武甯縣志